

妙法蓮華經

勸持品第十三

唯願不為慮 於仏滅度後
恐怖惡世中 我等當広説
有諸無智人 惡口罵詈等
及加刀杖者 我等皆當忍
惡世中比丘 邪智心諂曲
未得謂為得 我慢心充滿
或有阿練若 納衣在空閑
自謂行真道 輕賤人間者
貪著利養故 与白衣説法
為世所恭敬 如六通羅漢
是人懷惡心 常念世俗事
仮名阿練若 好出我等過
而作如是言 此諸比丘等

為貪利養故 説外道論議
自作此經典 誑惑世間人
為求名聞故 分別説是經
常在大衆中 欲毀我等故
向国王大臣 婆羅門居士
及余比丘衆 誹謗説我惡
謂是邪見人 説外道論議
我等敬仏故 悉忍是諸惡
為斯所輕言 汝等皆是仏
如此輕慢言 皆當忍受之
濁劫惡世中 多有諸恐怖
惡鬼入其身 罵詈毀辱我
我等敬信仏 當著忍辱鎧
為説是経故 忍此諸難事
我不愛身命 但惜無上道

我等於來世 護持仏所囑
世尊自當知 濁世惡比丘
不知仏方便 隨宜所説法
惡口而嚙蹙 數數見擯出
遠離於塔寺 如是等衆惡
念仏告勅故 皆當忍是事
諸聚落城邑 其有求法者
我皆到其所 説仏所囑法
我是世尊使 処衆無所
畏我当善説法 願仏安穩住
我於世尊前 諸來十方仏
発如是誓言 仏自知我心